

Istorya 11

A)

Ang apartment ni Brad kay gamay kaayo.

Gusto siya mubalhin ug bago nga apartment.

Nagtan-aw siya ug mga litrato sa mga apartment sa internet.

Ang usa ka apartment kay barato kaayo.

Apan daan na kini ug walay sulod.

Ang laing apartment kay adunay mga kasangkapan.

Naa kini higdaanan, TV, ug kalan.

Apan kadto nga apartment kay mahal kaayo.

Nagpasya si Brad nga mag-apon ug daghang kwarta.

Arun makabalhin siya sunod tuig.

B)

Akong apartment kay gamay kaayo.

Gusto ko mubalhin ug bagong apartment.

Nagtan-aw ko ug mga litrato sa mga apartment sa internet.

Ang usa ka apartment kay barato kaayo.

Apan daan na kini ug walay sulod.

Ang laing apartment kay adunay mga kasangkapan.

Naa kini higdaanan, TV, ug kalan.

Apan kadto nga apartment kay mahal kaayo.

Nagpasya ko nga mag-apon ug kwarta.

Arun makabalhin ko sunod tuig.

Mga pangutana:

1. Ang apartment ni Brad kay gamay kaayo. Dako ba ang apartment ni Brad? Dili, dili dako ang iyang apartment. Gamay kini kaayo.
2. Si Brad gusto mubalhin ug bagong apartment. Gusto ba mubalhin si Brad? Oo, si Brad gusto mubalhin ug bagong apartment.
3. Nagtan-aw si Brad ug mga litrato sa mga apartment sa internet. Nagtan-aw ba ug mga litrato sa internet si Brad? Oo, Nagtan-aw si Brad ug mga litrato sa mga apartment sa internet.
4. Ang una nga apartment kay barato. Ang una ba nga apartment kay mahal? Dili, dili mahal ang una nga apartment. Barato kini.
5. Ang una nga apartment kay daan ug walay sulod. Ang una ba nga apartment kay daan? Oo, ang una nga apartment kay daan ug walay sulod.
6. Ang lain nga apartment kay naay higdaanan, TV, ug kalan. Naa bay mga kasangkapan ang lain nga apartment? Oo, ang lain nga apartment kay naay higdaanan, TV, ug kalan.
7. Ang lain nga apartment kay mahal. Barto ba ang lain nga apartment? Dili, dili barato ang laing apartment, mahal kini.
8. Nagpasya si Brad nga mag-apon ug daghang kwarta. Ganahan ba mag-apon si Brad ug daghang kwarta? Oo, nagpasya si Brad nga mag-apon ug daghang kwarta.
9. Si Brad pwede makabalhin sunod tuig. Makabalhin ba si Brad karun nga tuig? Dili, Si Brad dili makabalhin karun nga tuig. Pwede siya mubalhin sunod tuig.

Istorya 12

A)

Si Janet permi mugamit ug kompyuter.

Apan kinahanglan siya ug bagong kompyuter.

Ang iyang kompyuter kay daan ug hinay.

Niadto siya sa tindahan sa elektronik.

Nakakita siya ug daghang mga kompyuter sa tindahan.

Ganahan siya ug dako nga screen sa iyang kompyuter.

Ug ganahan siya ug maayo nga keyboard.

Nakakita siya ug nindot ug asul nga kompyuter.

Ganahan siya sa screen, sa keyboard, ug sa estilo.

Iyang gipalit ang kompyuter gamit ang credit card.

B)

Nagagamit ko permi ug kompyuter.

Apan kinahanglan ko ug bagong kompyuter.

Akong kompyuter kay daan ug hinay.

Niadto ko sa tindahan sa elektronik.

Nakakita ko ug daghang mga kompyuter.

Ganahan ko ug dako nga screen sa akong kompyuter.

Ug ganahan pud ko ug maayo nga keyboard.

Nakakita ko ug nindot ug asul nga kompyuter.

Ganahan ko sa screen, sa keyboard, ug sa estilo.

Akong gipalit ang kompyuter gamit ang credit card.

Mga pangutana:

1. Si Janet permi mugamit ug kompyuter. Permi ba mugamit si Janet sa kompyuter? Oo, permi siya mugamit ug kompyuter.

2. Si Janet nagkinahanglan ug bagong kompyuter. Nagkinahanglan ba si Janet ug bagong kompyuter? Oo, nagkinahanglan siya ug bagong kompyuter.

3. Ang kompyuter ni Janet kay daan ug hinay. Bago ba ang kompyuter ni Janet? Dili, dili bago iyang kompyuter. Daan ug hinay kini.

4. Nakakita si Janet ug daghang mga kompyuter sa tindahan sa elektronik. Daghan ba mga kompyuter sa tindahan? Oo, nakakita si Janet ug daghang mga kompyuter sa tindahan sa elektronik.

5. Si Janet ganahan ug dako nga screen sa iyang kompyuter. Ganahan ba si Janet ug gamay nga screen? Dili, si Janet ganahan ug dako nga screen sa iyang kompyuter.

6. Si Janet ganahan ug maayo nga keyboard para sa iyang kompyuter. Ganahan ba si Janet ug maayo nga keyboard? Oo, Si Janet ganahan ug maayo nga keyboard para sa iyang kompyuter.

7. Si Janet nakakita ug asul nga kompyuter. Nakakita ba si Janet ug itom nga kompyuter? Wala, wala siya kakita ug black nga kompyuter. Nakakita siya ug asul nga kompyuter.

8. Si Janet ganahan sa screen, keyboard, ug estilo sa asul nga kompyuter. Ganahan ba si Janet sa asul nga kompyuter? Oo, si Janet ganahan sa screen, keyboard, ug estilo sa asul nga kompyuter.

9. Gipalit ni Janet ang kompyuter gamit ang credit card. Gipalit ba ni Janet ang kompyuter gamit ang kwarta? Wala, wala siya naggamit ug kwarta. Iyang gipalit gamit ang credit card.

Istorya 13

A)

Si Kimi kay naa sa restawran.

Naa siyay date kauban si Saul.

Si Kimi wala kaila kay Saul.

Apan higala siya sa usa ka higala.

Niabot si Saul sa hustong oras.

Nag-ingon siya "Hello"! ug nitubag si Kimi ug "Hi"!

Niingkod si Saul, ug gitan-aw siya ni Kimi.

Sa iyang tan-aw kay gwapo kaayo siya.

Si Kimi nipahiyom, ug si Saul nitan-aw sa iya.

"Nindot kaayo imong pahiyom" ingun ni Saul.

B)

Naa ko sa restawran.

Naa koy date kauban si Saul.

Wala ko kaila kang Saul.

Apan higala siya sa usa ka higala.

Niabot siya sa oras.

Nag-ingon siya "Hello"! ug nitubag ko ug "Hi"!

Niingkod siya ug ako siyang gitan-aw.

Sa akong tan-aw gwapo kaayo siya.

Nipahiyom ko, ug gitan-aw ko ni Saul.

"Nindot kaayo imong pahiyom" ingun ni Saul.

Mga pangutana:

1. Si Kimi kay naa sa restawran. Naa ba si Kimi sa balay? Wala, si Kimi kay wala sa balay. Naa siya sa restawran.
2. Si Kimi naay date kauban si Saul. Naa bay date si Kimi kauban si George? Wala, walay date si Kimi kauban si George. Naa siyay date kauban si Saul.
3. Wala kaila si Kimi kay Saul, apan higala siya sa usa ka higala. Kaila ba si Kimi kang Saul? Wala, wala kaila si Kimi kang Saul, apan higala siya sa usa ka higala.
4. Niabot si Saul sa restawran sa hustong oras. Niabot ba si Saul sa restawran sa hustong oras? Oo, niabot si Saul sa restawran sa hustong oras.
5. Nag "Hello" si Saul kay Kimi. Nag "Hello" ba si Saul kay Kimi? Oo, nag "Hello" si Saul kay Kimi.
6. Gwapuhan si Kimi kang Saul. Gwapuhan ba si Kimi kang Saul? Oo, gwapuhan si Kimi kang Saul.
7. Nitan-aw si Saul kang Kimi. Nitan-aw ba si Saul kang Kimi? Oo, nitan-aw si Saul kang Kimi.
8. Si Saul niingun nga nindot kaayo ang pahiyom ni Kimi. Ganahan ba si Saul sa pahiyom ni Kimi? Oo, si Saul niingun nga nindot kaayo ang pahiyom ni Kimi.

Istorya 14

A)

Si Kelly ganahan maminaw ug musika.

Gusto siya makabalo unsaon pagsayaw.

Niadto siya sa iyang una nga klase sa sayaw.

Gisultian siya sa magtutudlo nga iunat iyang mga batiis.

Gisulayan ni Kelly ang pagunat sa iyang mga batiis.

Apan dili siya makaunat sa halayo.

Gisultian siya sa magtutudlo nga mulukso.

Gisulayan ni Kelly ug lukso apan natumba siya.

Nagsakit ang mga kaunuran ni Kelly paghuman sa klase.

Basin dili siya makabalo unsaon pagsayaw.

B)

Ganahan ko maminaw ug musika.

Gusto ko makabalo unsaon pagsayaw.

Niadto ko sa akong una nga klase sa sayaw.

Gisultian ko sa magtutudlo nga iunat akong mga batiis.

Gisulayan nako pagunat akong mga batiis.

Apan dili nako siya maunat sa halayo.

Gisultian ko sa magtutudlo nga mulukso.

Gisulayan nako paglukso apan natumba ko.

Akong mga kaunuran kay nagsakit paghuman sa klase.

Basin dili ko makabalo unsaon pagsayaw.

Mga pangutana:

1. Si Kelly ganahan maminaw ug musika. Ganahan ba si Kelly ug musika? Oo, si Kelly ganahan maminaw ug musika.

2. Si Kelly gusto makabalo unsaon pagsayaw. Gusto ba ni Kelly makabalo unsaon pagsayaw? Oo, si Kelly gusto makabalo unsaon pagsayaw.

3. Si Kelly niadto sa klase sa sayaw. Niadto ba si Kelly sa klase sa piano? Wala, wala niadto si Kelly sa klase sa piano. Niadto siya sa klase sa sayaw.

4. Gisultian si Kelly sa magtutudlo nga iunat iyang mga batiis. Gisultian ba si Kelly sa magtutudlo nga iunat iyang mga bukton? Wala, wala siya gisultian sa magtutudlo nga iunat iyang mga bukton. Gisultian siya sa magtutudlo nga iunat iyang mga batiis.

5. Dili maunat ni Kelly iyang mga batiis sa halayo. Maunat ba ni Kelly iyang mga batiis sa halayo? Dili, dili maunat ni Kelly iyang mga batiis sa halayo.

6. Gisulayan ni Kelly ug paglukso apan natumba siya. Natumba ba si Kelly? Oo, gisulayan ni Kelly ug paglukso apan natumba siya.

7. Ang mga kaunuran ni Kelly kay nagsakit paghuman sa klase. Nagsakit ba ang mga kaunuran ni Kelly paghuman sa klase? Oo, ang mga kaunuran ni Kelly kay nagsakit paghuman sa klase.

8. Basin dili makabalo unsaon pagsayaw si Kelly. Makabalo ba ug sayaw si Kelly? Basin dili makabalo unsaon pagsayaw si Kelly.

Istorya 15

A)

Sila Mara ug Emily gusto magbawas ug kabug-aton.

Gusto sila muadto sa usa ka gym.

Apan ang pag-adto sa gym kay mahal.

Maong nagpasya sila nga sa balay mag-ehersisyo.

Si Mara nagsulay ug dagan, ug si Emily nag-alsa ug bug-at.

Apan dili ganahan si Mara ug dagan.

Ug si Emily kay dili kaayo kusgan.

Busy pud sila kaayo.

Wala silay oras para mag-ehersisyo.

Basin sulayan nasad nila sunod semana.

B)

Ako ug si Emily gusto magbawas ug kabug-aton.

Gusto mi muadto ug gym.

Apan ang pag-adto sa gym kay mahal.

Maong nagpasya mi nga sa balay mag-ehersisyo.

Nagsulay ko ug dagan, ug si Emily nag-alsa ug bug-at

Apan dili ko ganahan ug dagan.

Ug si Emily kay dili kaayo kusgan.

Busy pud kaayo mi.

Wala mi oras para mag-ehersisyo.

Basin sulayan nasad namo sunod semana.

Mga pangutana:

1. Si Mara ug Emily gusto mag-ehersisyo sa gym. Ganahan ba si Mara ug Emily mag-ehersisyo? Oo, gusto sila mag-ehersisyo sa gym.
2. Ang pag-adto sa gym kay mahal. Barato ba muadto sa gym? Dili, dili siya barato. Ang pag-adto sa gym kay mahal.
3. Nagpasya sila nga sa balay mag-ehersisyo kay ang gym kay mahal kaayo. Nagpasya ba sila nga mag-ehersisyo sa balay? Oo, nagpasya sila nga sa balay mag-ehersisyo kay ang gym kay mahal kaayo.
4. Si Mara dili ganahan ug dagan. Ganahan ba si Mara ug dagan? Dili, si Mara dili ganahan ug dagan.
5. Si Emily nagsulay pag alsa ug bug-at apan dili kaayo siya kusgan. Gisulayan pud ba ni Emily ug dagan? Wala, si Emily nagsulay pag alsa ug bug-at.
6. Si Emily kay dili kusgan. Kusgan ba si Emily? Dili, si Emily kay dili kusgan.
7. Sila Mara ug Emily kay busy kaayo maong wala kaayo silay oras para mag-ehersisyo. Busy ba kaayo sila Mara ug Emily? Oo, busy kaayo sila maong wala kaayo silay oras para mag-ehersisyo.

Istorya 16

A)

Si Gene gusto ug bagong trabaho.

Dili siya ganahan sa iyang trabaho sa opisina.

Para niya laay kaayo iyang trabaho.

Gusto si Gene ug labi ka kulbahinam nga trabaho.

Nangita siya ug bagong trabaho sa online.

Daghan kaayo mga trabaho sa mga restawran.

Naa pud daghang trabaho sa mga tindahan.

Dili kaayo maayo muluto si Gene.

Apan ganahan siya pagpamalit ug pakighinabi sa mga tao.

Naglaom si Gene nga makakita siya ug trabaho sa tindahan.

B)

Gusto ko ug bagong trabaho.

Dili ko ganahan sa akong trabaho sa opisina.

Para nako laay kaayo akong trabaho.

Gusto ko ug labi ka kulbahinam nga trabaho.

Nangita ko ug bagong trabaho sa online.

Daghan kaayo mga trabaho sa mga restawran.

Naa pud daghang trabaho sa mga tindahan.

Dili kaayo ko maayo muluto.

Apan ganahan ko sa pagpamalit ug pakighinabi sa mga tao.

Naglaom ko nga makakita ko ug trabaho sa tindahan.

Mga pangutana:

1. Si Gene gusto ug bagong trabaho. Gusto ba si Gene ug bagong trabaho? Oo, si Gene gusto ug bagong trabaho.
2. Para kay Gene iyang trabaho kay boring kaayo. Ganahan ba si Gene sa iyang trabaho sa opisina? Dili, dili siya ganahan sa iyang trabaho sa opisina. Para sa iya ang iyang trabaho kay boring kaayo.
3. Gusto si Gene ug labi ka kulbahinam nga trabaho. Ganahan ba si Gene ug laay nga trabaho? Dili, gusto si Gene ug labi ka kulbahinam nga trabaho.
4. Si Gene nagita ug bagong trabaho sa online. Nangita ba ug bagong trabaho si Gene? Oo, nangita siya ug bagong trabaho sa online.
5. Daghan kaayo mga trabaho sa mga restawran. Daghan ba kaayo mga trabaho sa mga restawran? Oo, daghan kaayo mga trabaho sa mga restawran.
6. Si Gene dili kaayo maayo muluto. Maayo ba muluto si Gene? Dili, si Gene dili kaayo maayo muluto.
7. Ganahan si Gene sa pagpamalit ug pakighinabi sa mga tao. Ganahan ba si Gene makighinabi sa mga tao? Oo, Si Gene ganahan makighinabi sa mga tao ug pagpamalit.
8. Si Gene gusto mangita ug trabaho sa tindahan. Gusto ba mangita ug trabaho ni Gene sa restawran? Dili, dili siya gusto mangita ug trabaho sa restawran. Gusto siya mangita ug trabaho sa tindahan.

Istorya 17

A)

Si Marco kay pauli na gikan sa trabaho.
Nagadrayb siya pauli gikan sa trabaho adlaw-adlaw.
Daghay kaayo lain lain nga mga sakyanan sa haywey.
Ang haywey kay daghan kaayo ug mga sakyanan para makalihok.
Gibati ug kadismaya ug kasuko si Marco.
Iyang gipaandar ang radyo para maminaw sa balita.
Unya, naminaw siya ug mga kanta.
Apan si Marco kay gilaay ug gikapoy gihapon.
Ang haywey kay daghan kaayo ug mga sakyanan kada adlaw.
Naghunuhuna si Marco nga mupalit nalang ug motorsiklo.

B)

Pauli nako gikan sa trabaho.
Nagadrayb ko pauli gikan sa trabaho adlaw-adlaw.
Daghay kaayo lain lain nga mga sakyanan sa haywey.
Ang haywey kay daghan kaayo ug mga sakyanan para makalihok.
Gibati ko ug kadismaya ug kasuko.
Gipaandar nako ang radyo ug naminaw sa balita.
Unya, naminaw ko ug mga kanta.
Apan gilaay ug gikapoy gihapon ko.
Ang haywey kay daghan kaayo ug mga sakyanan kada adlaw.
Naghunuhuna ko nga mupalit nalang ug motorsiklo.

Mga pangutana:

1. Si Marco kay pauli na gikan sa iyang trabahuan gamit iyang sakyanan. Naa ba sa trabahuan si Marco? Wala, wala siya sa trabahuan. Pauli na siya gikan sa trabahuan gamit iyang sakyanan.
2. Daghan kaayo lain lain nga mga sakyanan sa haywey uban ni Marco. Naa bay lain nga mga sakyanan sa haywey? Oo, daghan kaayo lain lain nga mga sakyanan sa haywey uban ni Marco.
3. Dili makalihok si Marco kay daghan kaayo sakyanan sa haywey. Makalihok ba si Marco? Dili, dili makalihok si Marco kay daghan kaayo sakyanan sa haywey.
4. Gibati ug kadismaya ug kasuko si Marco. Gibati ba ug kalipay si Marco? Wala, wala gibati ug kalipay si Marco. Gibati siya ug kadismaya ug kasuko.
5. Naminaw si Marco ug balita sa radyo sa iyang sakyanan. Naminaw ba si Marco sa balita? Oo, naminaw si Marco ug balita sa radyo sa iyang sakyanan.
6. Ang haywey kay daghan kaayo ug mga sakyanan kada adlaw. Ang haywey ba permi daghay sakyanan? Oo, ang haywey kay daghan kaayo ug mga sakyanan kada adlaw.
7. Naghunahuna si Marco magpalit ug motorsiklo kaysa magdrayb. Gusto ba ni Marco ug motorsiklo? Oo, naghunahuna siya magpalit ug motorsiklo kaysa magdrayb.

Istorya 18

A)

Nag-ilis si Ashley sa buntag.

Wala siya kabalo kung unsa iyang suoton.

Nangita siya sa iyang aparador.

Nakakita siya ug kapehon nga sayal.

Apan tugnaw kaayo karun!

Nakakita siya ug itom nga paresan sa pantalon.

Apan daan na kaayo sila.

Ug naa siyay miting sa trabaho karun.

Gisuot ni Ashley ang kapehon nga sayal.

Angayan siya, apan gitugnaw iyang mga batiis.

B)

Nag-ilis ko sa buntag.

Wala ko kabalo kung unsa akong suoton.

Nangita ko sa akong aparador.

Nakakita ko ug kapehon nga sayal.

Apan tugnaw kaayo karun!

Nakakita ko ug itom nga paresan sa pantalon.

Apan daan na kaayo sila.

Ug naa koy miting sa trabaho karun.

Akong gisuot ang kapehon nga sayal.

Angayan ko, apan gitugnaw akong mga batiis.

Mga pangutana:

1. Nag-ilis si Ashley sa buntag. Nag-ilis ba si Ashley sa gabii? Wala, wala siya nag-ilis sa gabii. Nag-ilis siya sa buntag.
2. Wala kabalo si Ashley kung unsa iyang suoton. Kabalo ba si Ashley kung unsa iyang suoton? Wala, wala siya kabalo kung unsa iyang suoton.
3. Nangita si Ashley ug sanina sa iyang aparador. Nangita ba si Ashley sa iyang aparador? Oo, nangita si Ashley ug sanina sa iyang aparador.
4. Naay kapehon nga sayal sa aparador. Naa bay kapehon nga sayal sa aparador? Oo, naay kapehon nga sayal sa aparador.
5. Tugnaw kaayo karun. Init ba karun? Dili, dili init karun. Tugnaw kaayo karun.
6. Nakakita ug itom nga paresan sa pantalon si Ashley. Nakakita ba si Ashley ug pipila ka mga pantalon? Oo, nakakita ug itom nga paresan sa pantalon si Ashley.
7. Ang pantalon kay daan. Bago ba ang pantalon? Dili, ang pantalon kay dili bago. Daan na siya.
8. Naay miting si Ashley sa trabaho karun. Naa bay miting si Ashley karun? Oo, naay miting si Ashley sa trabaho karun.
9. Gisuot ni Ashley ang kapehon nga sayal. Gisuot ba ni Ashley ang pantalon? Wala, wala siya nagsuot ug pantalon. Iyang gisuot ang kapehon nga sayal.
10. Ang batiis ni Ashley kay gitugnaw. Nainitan ba si Ashley sa iyang sayal? Wala, wala siya nainitan. Ang iyang batiis kay gitugnaw.

Istorya 19

A)

Nagpahulay si Kyle sa eskuylahan.

Alas dose na ug oras na sa paniudto.

Walay paniudto si Kyle gikan sa balay.

Kinahanglan siya mupalit ug paniudto sa eskuylahan.

Niadto siya sa cafeteria.

Nakakita siya ug French fries ug salad.

Ang iyang mama gusto nga muakon siya ug salad.

Apan gusto siya mukaon ug French fries.

Naghunahuna siya sa usa ka minuto.

Unya iyang gipalit ug gikaon ang French fries.

B)

Nagpahulay ko sa eskuylahan.

Alas dose na ug oras na sa paniudto.

Wala koy paniudto gikan sa balay.

Kinahanglan ko magpalit ug paniudto sa eskuylahan.

Niadto ko sa cafeteria.

Nakakita ko ug French fries ug salad.

Akong mama gusto nga mukaon ko ug salad.

Apan gusto ko mukaon ug French fries.

Naghunahuna ko sa usa ka minuto.

Unya akong gipalit ug gikaon ang French fries.

Mga pangutana:

1. Nagpahulay si Kyle sa eskuylahan. Nagtrabaho ba si Kyle sa eskuylahan? Wala, wala siya nagtrabaho. Nagpahulay siya sa eskuylahan.

2. Alas dose na ug oras na sa paniudto. Ting paniudto naba? Oo, ting paniudto na. Alas dose na.

3. Walay paniudto si Kyle. Naa bay paniudto si Kyle? Wala, walay paniudto si Kyle.

4. Niadto si Kyle sa cafeteria. Niadto ba si Kyle sa restawran? Wala, wala niadto si Kyle sa restawran. Niadto siya sa cafeteria.

5. Nakakita si Kyle ug salad ug French fries sa cafeteria. Nakakita ba si Kyle ug salad? Oo, nakakita si Kyle ug salad ug French fries sa cafeteria.

6. Ang iyang mama gusto nga mukaon siya sa salad, dili ang French fries. Gusto ba sa iyang mama nga mukaon siya ug salad? Oo, ang iyang mama gusto nga mukaon siya sa salad, dili ang French fries.

7. Gipalit ug gikaon ni Kyle ang French fries. Gipalit ba ni Kyle ang salad? Wala, wala gipalit ni Kyle ang salad. Gipalit ug gikaon niya ang French fries.

Istorya 20

A)

Si Alissa naningkamot motrabaho.

Naningkamot siya paandaron iyang sakyanan.

Apan tugnaw kaayo sa gawas.

Maong dili muandar ang iyang sakyanan.

Iyang una gitan-aw ang iskedyl sa bus.

Ang mga bus sa syudad kay hinay kaayo.

Ang iskedyl sa tren nalang iyang gitan-aw.

Ang mga tren kay nagdagan sa hustong oras.

Nagpasya siya nga magtren paingun sa trabaho.

Naglaom siya nga dili siya maulahi sa trabaho.

B)

Kinahanglan ko muadto sa trabaho.

Gisulayan nako ug paandar akong sakyanan.

Apan tugnaw kaayo sa gawas.

Maong akong sakyanan dili muandar.

Akong gitan-aw una ang iskedyl sa bus.

Ang mga bus sa syudad kay hinay kaayo.

Ang iskedyl sa tren nalang akong gitan-aw.

Ang mga tren kay nagdagan sa hustong oras.

Nagpasya ko nga magtren paingun sa trabaho.

Naglaom ko nga dili ko maulahi sa trabaho.

Mga pangutana:

A)

1. Si Alissa naningkamot motrabaho. Naningkamot ba si Alissa motrabaho? Oo, si Alissa naningkamot motrabaho.

2. Tugnaw sa gawas. Init ba sa gawas? Dili, dili init sa gawas. Tugnaw sa gawas.

3. Ang sakyanan ni Alissa kay dili muandar kay tugnaw kaayo sa gawas. Niandar ba ang sakyanan ni Alissa? Wala, ang sakyanan ni Alissa kay dili muandar kay tugnaw kaayo sa gawas.

4. Gitan-aw una ni Alissa ang iskedyl sa bus. Gitan-aw ba una ni Alissa ang iskedyl sa tren? Wala. Gitan-aw una ni Alissa ang iskedyl sa bus.

B)

5. Ang bus sa syudad kay hinay kaayo. Hinay ba ang bus sa syudad? Oo, Ang bus sa syudad kay hinay kaayo.

6. Ang mga tren kay nagdagan sa hustong oras. Ulahi ba ang mga tren? Dili, dili ulahi ang mga tren. Nagdagan sila sa hustong oras.

7. Nagpasya si Alissa nga magtren paingun sa trabaho. Nagpasya ba si Alissa nga magbus paingun sa trabaho? Wala, wala nagbus si Alissa. Nagpasya siya nga magtren paingun sa trabaho.

8. Naglaom si Alissa nga dili siya maulahi sa trabaho. Gusto ba si Alissa maulahi? Dili, dili siya gusto maulahi. Naglaom siya nga dili siya maulahi sa trabaho.